



15. august 2018

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara:

**Naalakkersuisunut apeqqutit:**

- 1. Niuernermik Ilinniarfik (NiNuuk) Nuummiittoq nutaagajulluni fabrikkitut sanaarinqarpoq tamatumalu kingorna ilinniarfinngortinneqarpoq pisariaqartinneqartut sukut tamaana suliarilaaginnarlugit. Ullumikkullu ersarilluinnarpoq illu iluarsaanneqartariaqartoq - imaluunniit nutaarluinnarmik ilinniarfiliortoqartariaqartoq, siunertamut naapertuuttumik: ilinniarfitsivissamik. Naalakkersuisut isumaqarpat NiNuup illutai inuusuttatsinnik ilinniarfitsivigissalluguit tulluortoq? Tunngavilersulaarsiuk.**
- 2. Akissummi kingullermi ersinngikkaluortoq apeqqutigeqqissavara: Naalakkersuisut eqqarsaatigisimanerlugu piffissaq qaninnerusoq/ akunnattumik sivissusilik (ukiut pingasut) eqqarsaatigalugit NiNuup illutai ajorluinnartutut isikkoqartut suneqassanersut? Tunngavilersulaarsiuk.**
- 3. Naalakkersuisut qanormita eqqarsaateqarpat NiNuuk pillugu, illutai ukiut qulit qaangiuppata atorsinnaajunnaarpata? Tunngavilersulaarsiuk.**
- 4. Naalakkersuisut ilinniarfik tiguisussanik, inuutissarsiortunik taakkulu kattuffiik oqaloqateqarsimanerlutik NiNuup siunissaa pillugu? Taamaassimappat, oqaloqatigiinnerit qanoq inerneqarpat aamma qanga ataatsimeeqatigiittoqarpa? Taamaassimanngippat, soormita?**
- 5. NiNuup siunissaa pillugu Naalakkersuisut atuarfimmi sulisut ilinniarfik oqaloqateqarsimanerlutik? Taamaassimappat, oqaloqatigiinnerit qanoq inernilerneqarpat aamma qanga ataatsimeeqatigiittoqarpa? Taamaassimanngippat, soormita taamaattoqanngila?**
- 6. NiNuup siunissaa qularnaarneqartuuppat tamanna sunik iluaqutissartaqassasoq Naalakkersuisut isumaqarpat? Tunngavilersulaarsiuk.**
- 7. Naalakkersuisut isumaat naapertorlugu suut atuartunut ajoqutaassappat NiNuuk illoqarfiit pingaarnersaanut ilaajunnaassagaluarpat? Tunngavilersulaarsiuk.**
- 8. Naalakkersuisut suna tunngavilersuutiginiarpaat siunissami qaninnermi inuusuttut tekniikkimut ilinniarfikqiffissaarunnissaannut nunatta illoqarfiisa pingaarnersaanni (Saviminilerinermik Ilinniarfik)? Tunngavilersulaarsiuk.**
- 9. Atuartunik tiguisartunik, inuutissarsiortunik taakkulu kattuffiik Naalakkersuisut oqaloqateqarsimanerlutik Saviminilerinermut Ilinniarfik siunissaa pillugu? Taamaassimappat, oqaloqatigiinnerit qanoq inernilerneqarpat aamma qanga ataatsimeeqatigiittoqarpa? Taamaassimanngippat, soormita taamaattoqanngila?**



**10. Saviminilerinermut Ilinniarfiup siunissaa pillugu Naalakkersuisut atuarfimmi sulisut ilinniartullu oqaloqatigisimanerlugit? Taamaassimappat, oqaloqatigiinnerit qanoq inernilerneqarpat aamma qanga ataatsimeeqatigiittoqarpa? Taamaassimangippat, soormita taamaattoqanngila?**

**11. Saviminilerinermut Ilinniarfiup siunissaa qularnaarneqartuuppat tamanna sunik iluaqutissartaqassasoq Naalakkersuisut isumaqarpat? Tunngavilersulaarsiuk.**

**12. Naalakkersuisut isumaat naapertorlugu suut atuartunut ajoqusiissappat Saviminilerinerut Ilinniarfik illoqarfiit pingaarnersaanut ilaajunnaassagaluarpat? Tunngavilersulaarsiuk.**

(Inatsisartunut ilaasortaq Randi Vestergaard Evaldsen, Demokraatit)

### **Tunngavilersuut**

§ 37 naapertorlugu apeqqutinnut normut 166/2018-mut akissutissinnut arlalinnik tupaallannartunik paasissutissartalinnut itisilertikkusutannullu qujanaq. Ilinniartitaanermut, Kulturiut, Ilageeqarnermut Nunanullu Allanut tunngasunut Naalakkersuisup akissutaani pissutsit marluk sualummik tupaallaatigaakka:

1) Nuummi Saviminilerinermut Ilinniarfiup matuneqarnissaa pilersaarutaavoq - ingerlanneqartullu Sisimiunut nuunneqalersaarlutik. Akissummi toqqaannartumik tamanna takuneqarsinnaanngilaq, tamannali nammineq isortartuuvoq, oqaaseqatigiilli tunniunneqartut allatut paasineqarsinnaanngillat. Tupaallannartuali aajuna Atuarfiup ukiualunnguit ingerlanerinnaani matuneqarnissaa Naalakkersuisut anguniagaanni 350-iusuni ilaanngimmat. Aamma kikkut tamarmik (taamatullu politikerit) nutaarsiassamik tassannga tusarlerneqarnikuunngillat.

2) Nuummi Niuernermut Ilinniarfik (matuma kingorna taaguuteqartoq: Ninuuk): Akissutit naapertorlugu Atuarfiup illutaa ukiuni qulini atasinnaavoq, siunnersuuteqanngilatilli killissaata tungaanut Atuarfik suneqassamaarnersoq - aamma ukiut qulit qaangiuppata qanoq pisoqassamaarnersoq?

Ataatsimut isigalugu akissutit allamik paasineqarsinnaanngilaq Nuummi inuutissarsiornermut toqqaannartumik ilinniarfiit pingaarnert marluk piffissaq qaninnerusoq isigalugu matuneqassamaartut - illoqarfiillu pingaarnersaaniit allamut nuunneqarlutik. Demokraatini tamanna tupigusuutigaarput, atuarfinnimi ilinniartorpassuit tiguneqartarput aamma inuutissarsiortut atuartut/ilinniartut tigusarpaat ilinniarnerminnut atatillugu sungiusaatigalugu sulisussatut - taamatullu aamma ilinniaqqinnissanut neqeroorutaasut ilassilluarneqartarput. Allatut oqaatigalugu: Atuarfiit marluk ilinniagassatut neqeroorutaat atuartunit kiisalu inuutissarsiortunit ujartorluarneqartarput.

Soorlu aamma Ilinniarnertuunngorniarfik illoqarfimmi ataasiinnarmiinnngilaq - sinerissamulli siamarneqarnikuvoq. Aamma taamaattariaqaraluarpoq inuutissarsiutigilerumaagassanik ilinniarfiit eqqarsaatigalugit, pineqarmatami inuusuttut ilinniaqqiffigisinnaasaat, tassanilu naapertuutissagaluarpoq, sapinngtisamik inuusuttut amerlanerpaat periarfissaqartinneqartuugaluarpata najugartik illoqarfik qimannagu ilinniaqqinnissaminnut. Qularnanngitsumik atuartut amerlanerit naammassisassagaluarput.



DEMOKRAATIT  
DEMOKRATERNE

Tamatuma saniatigut Naalagaaffeqatigiit iluanni oqallisaaneruleriartorpoq, qanoq iliorluni ilinniartut niuernermet tunngasunut teknikkimullu tunngasunut ilinnialernissaminnut piumassusaat allisarneqarsinnaanersoq, inuutissarsiortut malugisimammassuk taamatut ilinniarsimasut pisariaqartinneqartut amerliartortut. Massakkorpiaq - minnerunngitsumillu aamma siunissami. Demokraatini takorloorsinnaakuttoorparput nunatsinni aamma pissutsit taamaaliumaartut aamma piffissaq qaninnerusoq isigalugu inuusuttut ilinniagassaminnut toqqaasarnerannut ajunngitsumik sunniuteqarumaartoq, taamaasillutik inuusuttut amerlanerusut assarsornermet ilinniartalerlutik. Aamma pissutsit taamaaliartornerat eqqarsaatigisariaqarparput inuusuttut ilinniaqqiffissaasa inissinnissaat pillugit pilersaarusiuleraangatta.

Apeqqutikka piffissarititaasup ullut sulliviit qulit iluanni akeqquneqarput.